



# THESES

## I.

### *De Testamento.*

**T**estamentum definitur in lege i. ff. de Testam. Justa voluntatis nostræ sententia de eo, quod quis post mortem suam fieri vult, cum directa hæredis institutione. Hoc dividitur in scriptum & nuncupativum: utrumque five cum-five absque juris solemnitatibus spectes, valet in conscientia, donec Testamentum Juris solemnitatibus destitutum per sententiam Judicis sæcularis lite super eo mota rescindatur; qualiter rescindi nequeunt Testamenta privilegiata, videlicet 1. ad pias causas. 2. Inter liberos facta à Parentibus. 3. Militum in expeditione bellica. 4. Rusticorum. 5. Tempore pestis. 6. Testamenta publica, quæ fiunt coram Principe, vel adacta reponuntur: hæc tamen & de his enumeratis, & pro circumstantiarum varietate in sensu accomodo intellecta volumus.

## II.

### *De Codicillo.*

**C**odicillus Testamenti interpres dicitur à Juris-Consultis ultima voluntas minus solemnis absque directa institutione hæredis: hic confectus, five in scriptis, five oretenus, ordinatus ad profanas causas ad sui valorem requirit 5. Testes vel masculos vel fœminas. Laudat praxis de inferendo clausulam codicillarem Testamento, ut hoc ob defectum cujusdam solemnitatis fortè invalidum, valeat ut Codicillus.

## III.

### *De Legato.*

**L**egatum est donatio quædam à defuncto relicta, ab hærede præstanda. §. r. in ff. de Legat. Nec profanum corruiat corrueute Testamento pio, nec pium corruiat corrueute

❁ ( 6 ) ❁

corrueute Testamento profano, nisi corruat Testamentum ex defectu probationis de voluntate testatoris. *ob manum testatoris dubiam.* Engels p. 2. l. 4. tit. 14. N. 18 & 19.

IV.

*De Fidei-commissio.*

**F**idei-commissum formaliter sumptum describitur, quod sit substitutio indirecta, quâ hæres Testamento institutus, vel ab intestato veniens, à defuncto gravatur, ut hæreditatem totam vel ejus quorâm alteri tradat. Species seu modi varii Fidei-commissi promovent prolium & Familiarum bonum.

V.

*De Donatione mortis causâ.*

**D**onatio mortis causâ est & fit, dum quis intuitu mortis ( quæ debet exprimi ) aliquid revocabiliter donat, tenendo irrevocabiliter post mortem donantis, & priùs non revocantis. ex §. 1. instit. de Donat. Hæc absque acceptatione Donatarii, vivente adhuc Donatore, inducit naturam Legati.

VI.

*De Testatore.*

**T**estator esse potest omnis ille, qui nullo jure testari prohibetur. L. 1. cod. de S. S. Eccles. Obligatio condendi Testamentum per se nulla, per accidens ex multis causis oritur. Jure naturali prohibentur facere Testamentum carentes usu rationis, muti & surdi simul, nihil habentes. Jure positivo prohibentur proles puberes sub *Patriâ* potestate existentes, nisi habeant bona castrensia, vel quasi castrensia, prohibentur impuberes etiam quoad illa, saltem ad causas profanas. Item prodigi à Judice declarati, rei criminis læsæ Majestatis, Proditores Patriæ. Utrôque hoc simul & divino Jure prohibentur testari Regulares, Professi, sicut & Clerici de bonis beneficialibus superfluis certò ad profanas causas, licet tamen his Testamentum condere de bonis patrimonialibus, quasi patrimonialibus, industrialibus & parsimonialibus. Consuetudo contraria testandi de bonis Ecclesiasticis superfluis toleratur, non approbatur. Injustè impediens testari potentem & volentem titulis politicè fictis omnia infringit jura.

*De Hærede.*

**H**æres succedit in universum jus defuncti; necessarius portione legitimâ privari nequit, nisi ex justa causa exhæredandi in linea rectâ, quamvis cum descendentes ascendentes sint hæredes necessarii, hi tamen cedere debent illis, juxta Auth. de hæred. ab intest. §. collat. 9. Hæredes non necessarii veniunt omnes testatori in linea rectâ non consanguinei, etiam frater & soror; hi gaudent falcidiâ & trebellianicâ, nisi testator usum alterutrius, vel utriusque expressè prohibuerit: itâ communior: hæres in certa quota, vel in certa re institutus (modò alius non fit) censetur esse institutus in omnibus bonis Testatoris: §. 7. instit. & L. 1. §. 4. ff. de hæred. instit. cum onere solvendi Legata defuncti & aliunde debita §. 5. instit. de oblig. quæ ex contr. Jus tamen ei concessit facultatem & tempus deliberandi. L. fin. §. 2. & 14. ff. de Jur. delib. Insuper beneficium Inventarii.

VIII.

*De resolutione Testamenti.*

**T**estamentum semel validum resolvitur modis quatuor: 1. Irritatione 2. Destitutione. 3. Ruptione. 4. Officio Judicis ob oppositam querelam inofficiosi Testamenti.

IX.

*De Testamenti Executione.*

**E**xecutio Testamenti spectat ad Executores seu Testamentarios, sive illi sint à Testatore nominati, sive dativi itâ dicti, quia à Judice vel Magistratu dati, sive legales, id est, à Lege determinati; in horum omnium defectu hæres subintrat, qui per censuram Ecclesiasticam ab Episcopo cogi potest ad exequendam Testatoris voluntatem. Si Monachus à suo Superiore Testamentum exequendi licentiam obtinuerit, nec jus, nec ratio sufficiens eum ab hoc munere excludere valebit.

**F I N I S.**

De Heredit.

Faint, illegible text in the first section, likely bleed-through from the reverse side of the page.

VII

De Testamento & Testamentis

Faint, illegible text in the second section, likely bleed-through from the reverse side of the page.

III

De Testamenti Executione

Faint, illegible text in the third section, likely bleed-through from the reverse side of the page.

FINIS

Faint, illegible text at the bottom of the page, likely bleed-through from the reverse side.

